

Namminersornerullutik Oqartussat Akileraartarnermi ukiumoortumik naatsorsuutinut il.il. piumasaqaatit pillugit nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi § 17, imm. 1 aamma 2, aamma § 18, imm. 1 aamma 2, naapertorlugit aalajangersarneqarput:

Atortuuffigisaa

§ 1. Nalunaarummi matumani malittarisassat inuussutissarsiutinik ingerlatsisut suliffeqarfintut aammalu inuussutissarsiuteqartuni ingerlatseqataasunut soqutigisaqartunut, kommanditselskabini peqataanermigut akisussaasuusunut imaluunniit umiarsuaatileqatigiiffinni ingerlatseqataasunut § 6-imi taagorneqartunut, aningaasarsianit akileraarutit pillugit Inatsisartut inatsisaanni § 1 imaluunniit § 2 naapertorlugit akileraartussaatitaasunut atuupput.

§ 2. Akileraaruseriffik akileraartussaatitaasunut ataasiakkaanut qassiikkutaanulluunniit tamakkiisumik ilaannakortumilluunniit kapitalimi tassani malittarisassanit immikkut akuersissuteqarsinnaavoq.

Suliffeqarfinnut mikisunut naatsorsuutinut ilassutaasumik paasissutissat

§ 3. Inuinnaat inuussutissarsiummik ingerlataqartut, ukiuni naatsorsuuseriffiusuni imminnut malittuni marlunni ukiumut 400.000 koruunit sinneragit kaaviaartitaqartut, naatsorsuutini inissiinerit pingarnerit saqqummiutissavaat. Akileraaruseriffiup naatsorsuutini inissiinerit pingarnerit pillugit nalunaaruteqarnissamut allattuiffissatut atugassat sanassavai. Naatsorsuutini inissiinerit pingarnerit pillugit paasissutissiissut nammineerluni nalunaaruummut ilanngullugit nassiunneqassapput.

Imm. 2. Imm. 1-imi aalajangersagaq inuussutissarsiuteqartuni ingerlatseqataasunut soqutigisaqartunut, kommanditselskabini peqataanermigut akisussaasuusunut imaluunniit umiarsuaatileqatigiiffinni ingerlatseqataasunut, akileraartarnermi ukiumoortumik naatsorsuusiornermik naammassinninnissamik aalajangersakkanik ingerlatseqatigiiffinnut soqutigisaqaqatigiiffinnut pineqartunut, kommanditselskabini peqataanermigut akisussaasuusunut imaluunniit umiarsuaatileqatigiiffimmut isumaginnitsitsisunut atuutinngilaq, takuuk § 6.

Akileraartarnermi ukiumoortumik naatsorsuutinik tunniussineq

§ 4. Akileraaruseriffiup nammineerluni nalunaaruteqarnermut tunngavissanik nakkutilliineranut atugassanik nammineerluni nalunaarsuinermerik tunniussinissamut piffissaliunneqartup qaangiutinnginnerani akileraartarnermi naatsorsuutinut piffissaliussamut naammassineqarsimasumut kingullermut ukiumoortumik naatsorsuutinik akileraaruseriffimmut tunniussineqassaaq, takuulli § 5.

Imm. 2. Akileraartarnermi ukiumoortumik naatsorsuutit ukiumoortumillu nalunaarut akileraaruseriffiup

atugassatut aalajangersagaanut aammalu qanoq isikkoqarnissaanik aalajangigai naapertorlugit digitalinngorlugit suliaralugit tunniunneqarsinnaapput.

§ 5. Illuutini marluk tikillugit attartortitsiviusumik inuussutissarsiutigalugu ingerlatsivik inuinnarnit ingerlanneqartuuppat, § 4 apeqqutaatinnagu akileraartarnermi ukiumoortumik naatsorsuutinik tunniussineqassanngilaq.

*Soqutigisaqartunut, kommanditselskabini peqataanermigut akisussaasuuusunut imaluunniit
umiarsuaatileqatigiiffinni ingerlatseqataasunut*

§ 6. Ingerlatseqatigiiffinni soqutigisaqartunut, kommanditselskabini peqataanermigut akisussaasuuusunut aammalu umiarsuaatileqatigiiffinni ingerlatseqataasut (peqataasut) akileraartarnermi ukiumoortumik naatsorsuusiornissaq pillugu §§-ini 7-imuit 23-mut aalajangersakkat ingerlatseqatigiiffimmit pineqartumit, kommanditselskabimit imaluunniit umiarsuaatileqatigiiffinni ingerlatseqataasunit naammassineqarnissaat qinersinnaavaat, taassumalu ukiumoortumik naatsorsuutit naqqiutitaqartunik nassuaatitaqartunillu peqataasunut isertitaminnut naatsorsuusiornissaminni atugassaattut tunniutissavai.

Imm. 2. Peqatasut akileraaruteqaataasussanik isertitaminnik naatsorsuusiornermanni interessentskabimit, kommanditselskabimit imaluunniit umiarsuaatileqatigiiffimmit peqataanermanni isertitatik immikkoortillugit nassuaasersussavaat.

Imm. 3. Peqatasut akileraartarnermi piffissanut agguataarineq imaluunniit nalitigut naatsorsueriaaseqarnerit imaluunniit akileraartarnermi nalikilliliinernik ukiumoortumik naatsorsuutini imm. 1-imi taaneqartuni atorneqartunit allaanerusut atorunkit, naqqiutit immikkut nalunaarutigineqassapput.

Akileraartarnermi ukiumoortumik naatsorsuutinut nalinginnaasumik piumasaqaatit

§ 7. Akileraartarnermi ukiumoortumik naatsorsuutit periutsit malillugit suliaassapput imaluunniit akileraartarnermi naqqiutinik (nuussinernik) naatsorsuutinullu immikkoortitaarlugit nalunaarsukkat allassimaffiannik imaqassallutik, takukkit §§-it 10-miit 23-mut.

Imm. 2. Akileraartarnermi ukiumoortumik naatsorsuutit § 8, imm. 1 naapertorlugu paasissutissiissutitaqartut, erseqqissumik paasuminartumillu akileraaruseriffiup nakkutilliineranut tunngaviliisinnaasuussapput.

Imm. 3. Akileraartarnermi ukiumoortumik naatsorsuutinut nuussineq, ukiup siuliani akileraaruserineremi naatsorsuutinut atasununera takuneqarsinnaasunngorlugu suliarineqassaaq.

§ 8. Akileraartarnermi ukiumoortumik naatsorsuutit aammalu paasissutissiissutit akileraartarnermi ukiumoortumik naatsorsuutinut tunngaviusunut ilaasut, naatsorsuusianit imalunniit taakkununnga atasunik immikkoortitaarlugit nalunaarsukkat nassuaatinit takuneqarsinnaasariaqarput.

Imm. 2. Naatsorsuusinerineq imatut aaqqissorneqassaaq nalunaarsukkat tamarmik akileraartarnermi naatsorsuusianut malinnaavigineqarsinnaasunngorlugit. Akileraartarnermi naatsorsuusiat nalunaarsukkani katiterneqarfisaminni avissaartinneqarsinnaassapput.

§ 9. Paasissutissiissutit § 8, imm. 2-mi taaneqartut ukiup naatsorsuuseriviusup naaneraniit ukiuni tallimani toqqortarineqassapput.

Imm. 2. Imm. 1-imi aalajangersagaq nioqqutissanik pisinniarfinni ingerlatsiviusut karsiini strimmilinut amma suliffeqarfiup iluani atugaasunik bilaginut, ukiumoortumik naatsorsuutit atsiorneqarneranniit ukumi ataatsimi toqqortarineqartussanut atuutinngilaq.

§ 10. Kaaviiartitat ilanngaasikkat nioqquissanik sullissinernillu ukiup naatsorsuusiorfiusup aallartinnerani naaneranilu pisassarisat naatsorsuutigalugit naatsorsorneqassapput.

Imm. 2. Kaaviiartitat ilanngaasikkat immikkut nalunaarutigineqassapput. Allap akiligassaanik suliamik ingerlatamut naligititaq, § 13 naapertorlugu kaaviiartitani ilanngaasikkani iluarsiiffigineqarpat, iluarsiineq immikkut ersersinneqassaaq.

§ 11. Aningaasartuutit, tamatumani aamma nioqquissanik atuineq, akissarsiat allatigullu sulisorisanut aningaasartuutit suuneri malillugit immikkut ersersinneqassapput. Aningaasartuutit sanaartornermut atorneqarsimappata, tamatumunnga nuussineq immikkut ersersinneqassaaq.

§ 12. Nioqquissanik uninngasuutit immikkut ersersinneqassapput. Ukiup naatsorsuuseriffiusup naanerani nioqquissanik uninngasuutit ataasiakkaarlugit kisinneqassapput, annertussusaallu kisitsinermi listimi, nioqquissat ataasiakkaat allattorsimaffianni pisariaqartitsinerlu naapertorlugu ilisarineqarsinnaaffisaanni takutinneqarsinnaassallutik. Peqqumaasivimmiiitat isumannaatsumik uninngasuutinut naatsorsuutit assigisaallunniit tunngavigalugit qaqugukkulluunniit naatsorsorneqarsinnaappata, kisitsineq ukiup naatsorsuuseriffiusup naanerinngisaraluani pisinnaavoq. *Imm. 2.* Nioqquissanik uninngasuutit nalinginik naatsorsuineremi tunineqarsinnaangitsut nalinginik ilanngaasoqarsimappat, imaluunniit allat akiligassaannik suliat ingerlasut nalingisa naatsorsorneranni toqqaannartuunngitsumik tunisassiornermi aningaasartuutit, imaluunniit iluanaarutaasussap ilaa, ilanngunneqarsimappata, aningaasat taakkua immikkut ersersinneqassapput.

§ 13. Suliffeqarfiup kajumiissarneqarnermi allanit akilerneqartussanik suliat ingerlasut suliassiissutinut ataasiakkaanut agguataarlugit nassuaateqarfingisinnasariaqarpaat, aammalu naliliineq qanoq ingerlanneqarsimanersoq.

§ 14. Paasissutissiissutit makkua immikkut oqaatigineqassapput:

1) Ukiup naatsorsuuseriviusup naanerani pisassarisat akiitsullu nioqquissanut sullissinernullu tunngasut.

2) Pisassarisat akiitsullu illuutini qularnaveeqqusinermi qularnaarneqarsimasut pisassaqtut akiligassaqartullu taallugit qularnaveeqquummullu takunnissinnaanissamut pisariaqartunik paasissutissiissutit.

3) Aningaaserivinnut assigisaannulluunniit aningaasaliissutit/ikisat, ilitsiviup aqqanik kontollu normuanik taasilluni, paasissutissat akileraaruseriffimmut nalunaarutigineqarsimannngippata.

4) Pappiaaqhat nalillit, nalit allanggorarnerisigut iluanaarutit annaasaqaatilluunniit akileraaruteqaataasussaasut, pissarsiarineranni akinik, alassimasumik nalinginik naligititaasunillu taasilluni. Pappiaaqhat nalillit sillimaasivimmiiitaappata (debot) sillimaasivik aamma taaneqassaaq, paasissutissat akileraaruseriffimmut nalunaarutigineqarsimannngippata. Pappiaqqanut nalilinnut erniaqartitaasunut, aallaqqaammut aningaasat amerlassusii imaluunniit akiitsut sinneri qallunaat aningaasaannut aaqqinnejqarsimasut, pilersinneqarneranni taaneqartumik erniat oqaatigineqassapput.

5) Allatigut pisassarisat imaluunniit akiitsut allat.

Imm. 2. Akiitsoqartunit paasineqartunik annaasaqaatinik ilimagineqartunilluunniit annaasaqaatigissangasanik nalikilliliissutit immikkut nalunaarutigineqassapput.

§ 15. Pigisat akileraarutitigut nalikilliliivigineqarsinnaasut, nalikillilerinermut tunngavigisat nakkutiginissaannut atugassanik immikkoortitaarlugit naatsorsuiffigineqassapput pisariaqartunik nalikilliliinerillu naatsorsorneqarnerannut paasissutissiilluni. Aalaakkaasumik illuutinut atatillugu nalikilliliinernut aamma pigisamik piffissap piginnittuuffigisap tamakkiisumik nalaani nalikilliliinerit nalunaarutigineqarlutik nassuaatissiineqassaaq.

§ 16. Suliffeqarfik Kalaallit Nunaata avataani pigisaqarpat, tamanna immikkut nalunaarutigineqassaaq, pigisap pissarsiarineranut akia 25.000 koruunit sinnersimappagit paasissutissarlu tamanna suliffeqarfup ukiumoortumik naatsorsuutaanni ersinngippat. Arlaqartunik pigisaqartoqarpat pigisat suuneri naapertorlugit paasissutissiissutit immikkoortinneqassapput.

§ 17. Namminerisanik aningaasaatit naatsorsorneranni nioqqutissanik nammineq atuineq aningaasartuutinullu peqataanerit il.il. immikkut takutinneqassapput.

§ 18. Aningaasartuutit isertitallu imaluunniit pigisat akiligassallu akornanni illuatungiliineqarsimappat (modregning), kisitsisit ilanngaasernagit takutinneqassapput.

§ 19. Makkuaimmkkut oqaatigineqassapput:

1) Illassinninnermut aningaasartuutit.

2) Akileraaruteqaataasussaanngitsunik ajunngitsorsiat, angalanernut il.il. akilikkat.

§ 20. Isertitat aningaasartuutillu nalinginnaasumik ingerlatsinermut pinnani allamut tunngasut immikkut isertitatut immikkullu aningaasartuutitut takutinneqassapput suunerilu tunngavigalugit nassuaateqartinneqassallutik, pingaaruteqarpiartuunngitsutut oqaatigineqarsinnaasuunngippata. Taamatulli agguataarinissaq aningaasaliinernik ingerlatsivinnut atuutinngilaq.

Akileraaruseriffimmut paasissutissat nalunaarutigineqartut naatsorsuiffigineqarnerat

§ 21. Nalunaaruteqarnissamut paasissutissiisussaatitaasut akissarsiat aamma honorarit il.il., naatsorsuutini ilaasut annertuussusii immikkoortiterlugit paasissutissiisutigissavaat, aningaasarsiallu il.il. annertussusiinik paasissutissiissapput, akissarsiallu il.il. akileraaruseriffimmut akileraaruserinerterik ingerlatsineq pillugu Inatsisartut inatsisaanni § 30, imm. 1 aamma 3 naapertorlugit, aningaasarsianit akileraarutit pillugit akileraaruseriffimmut nalunaartarneq pillugu nalunaarut naapertorlugu, nalunaarutaasimasunik naligiissaarinerterik takutitsillutik.

§ 22. Ernianik nalunaaruteqarnissamut paasissutissiisussaatitaasut kaammattorneqarnermi ernianit isertitat aningaasartuutillu, naatsorsuutini ilaasut annertussussaannik paasissutissiisuteqassasut ernianillu, isertitanit akileraarutit pillugit akileraaruseriffimmut nalunaartarneq pillugu nalunaarut naapertorlugu, nalunaarutigineqarsimasunik naligiissaarinerterik takutitsillutik.

§ 23. Nalunaaruteqarnissamut § 21 aamma § 22-mi taaneqartutut paasissutissiisussaatitaasut ukiumut naatsorsuuserivik qaammatisiutit malillugit ukiumit allaanerusoq atorpagu, immikkut paasissutissiinermi aningaasat nalunaarutigineqarsimasut qaammatisiutit malillugit ukiup agguataarnerinut naatsorsuuserinermut atorneqartunut qanoq agguataarsimanerat takutissinnaassavaat.

Pineqaatissiinerit atuuttussanngorfialu

§ 24. Kinaluunniit, piaarluni imaluunniit soqquaatsumik mianersuaalliornikkut, § 3, imm. 1, § 4, imm. 1, § 6, imm. 2 aamma 3, § 7, imm. 1 aamma 3, imaluunniit §§-it 8-miit 23-imut unioqqutitsisoq akiliisitsinikkut pineqaatissinneqarsinnaavoq.

§ 25. Nalunaarut 1. januar 2007 atuutilerpoo

Imm. 2. Ilutigitillugu 1ngerlatsinermut naatsorsuutinut nammineerluni nalunaarsuiffimmut ilanngunneqartussanut piumassarineqartut minnerpaat pillugit Inatsisartut nalunaarutaat nr. 8, 26. juni 1979-imeersoq aturunnaarsinneqarpoq.

Namminersornerullutik Oqartussat, ulloq 1. december 2006

Josef Motzfeldt

/

Kaare Hagemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut